

I Pollerudane sitt rike.

**Eit mangesidig kulturprosjekt
med glade ringverknader for Dalebygda.**

Polleruden. Ei populær turløype blant dalefolket. Nært, men likevel godt tilbaketrukket i spanande omgjevnader mellom kampesteinar og skogkleddde åskammar. Lett å koma til frå både Eikhaugen og idrettsanlegget på Geitabakken. Og akkurat passe lang til at du får pulsen til å slå litt kjappare. Me som bur her, har merka oss ein sterk auke av folketråkk rundt den vesle velsigninga. Både born og vaksne er blitt ivrige brukarar av området. Det kan sjølvstegt hengja saman med at turlaget har ein trimpoengpost oppe ved vanntårnet, men Gudane veit. Det er eit fascinerande område.

Boka

Me har snakka om det lenge, leika oss med tanken om at det visstnok skal vera eit heilt lite samfunn under den mektige ura som breier seg oppover langs fjellsidene her. Eit samfunn med utgangspunkt i eit par små gardar som låg her før fjellet kasta seg over dei som budde her. Det er nokre hundre år sidan no, men etterkommarane skal det visstnok vera liv i enno. Det er det ingen som har visst, inntil Beate ein dag forvillar seg ned gjennom nokre holecgongar her, med god hjelp i frå geitebukken Kurt. Og med det utspelar det seg eit drama som no kjem i bokform. Manuskriptet er ferdig, illustrasjonane under utarbeiding.

Musikkspelet

I kjølvatnet av boklanseringa, er det planlagt eit musikkspel, forma av Åge Vaksdal, Leiv Magnus Grøtte og Per Jørgensen. Polleruden vert den naturlege scenen, med lyd og lys ut av ein anna verd. Oppsetjinga skal kunne gjennomførast fleire gonger utover både vår og haust, dersom det blir suksess. Både vaksne og skuleelevar vert ein del av alle dei musikalske opptrinna. På sikt vonar me at det skal bli eit fast opplegg som skal trekkje folk frå fjern og nær. Kan hende Daledagane kan vere den rette ramma rundt det heile.

Den eventyrlege Polleruden

Planane vidare er å leggje opp til ulike stoppunkt langs turløypa, med utkikspostar og ditto opplevingar. Me veit at BKK eingong hadde ein tunnelbane oppover fjellsida langs røyrgata. Kanskje me til og med kunne fått sparka liv i den óg, med tid og stunder.

Søknad om midler til sjølv gjennomføringa av prosjekta

Gjennomføringa vil skje etappevis.

Fyrst gjeld det å få boka i trykk, der me parallelt riggar Polleruden for å ta imot nye besøkjande. Dernest vil me gå laus på sjølv musikkspelet.

Me søker herved om delfinansiering til trykking av bok, kr 15 000,-.

Dei neste postane er framleis på idéplan og er ikkje prisa.

Mykje vil me leggja opp som dugnad, andre ting vert det naudsynt å betala andre leverandører for. Det må kanskje óg ei godkjenning til for å bruka området på denne måten. Det vil me koma tilbake til når ideane har materialisert seg på teiknebordet. Då vert det sannsynlegvis naudsynt med ein ny søknad for å få det optimalt gjennomført.

Me vonar bygdeutviklingsutvalet ser på initiativet med like stor begeistring som dei me allereie har presentert prosjektet for.

Ser fram til ei rungande positiv tilbakemelding.

**Helsing
Leiv Magnus og Charles i Farfar Reklamebyrå AS**

